

Na osnovu člana 126. Zakona o visokom obrazovanju („Službene novine Kantona Sarajevo“, broj: 42/13 - prečišćeni tekst), a u vezi sa Odlukom Vijeća Fakulteta menadžmenta i javne uprave, broj: IUS-FBA-07-2787/2013 od 31.10.2013. godine, Internacionalni univerzitet u Sarajevu (u daljem tekstu: Univerzitet), raspisuje:

KONKURS
za izbor dekana (rukovodioca organizacione jedinice)

Pozicija:

1) Dekan Fakulteta menadžmenta i javne uprave.....1 izvršilac

Opis poslova:

- Koordiniranje rada na fakultetu, predsjedanje Vijećem fakulteta,
- Predlaganje akademskih, naučno-istraživačkih i finansijskih planova fakulteta prema rektoru Univerziteta,
- Organizovanje i rukovođenje radom na fakultetu,
- Odlučivanje o korištenju sredstava fakulteta, saglasno finansijskim planovima fakulteta, odobrenim od strane Upravnog odbora Univerziteta,
- Osiguranje efikasnog, ekonomičnog i svrsishodnog korištenja sredstava dodjeljenih fakultetu od strane Univerziteta,
- Zastupanje i predstavljanje fakulteta u skladu sa Zakonom i Statutom,
- Izvršavanje odluka Vijeća fakulteta i organa Univerziteta,
- Donošenje akata u skladu sa Statutom i drugim općim aktima Univerziteta,
- Predlaganje organizacijske, akademske i neakademske strukture na fakultetu,
- Davanje mišljenja u postupku utvrđivanja sistematizacije radnih mjesta na Univerzitetu, i
- Obavljanje drugih poslova propisanih Statutom i drugim općim aktima Univerziteta.

Opći uslovi koje treba da ispunjavaju kandidati:

- a) Da je zdravstveno sposoban,
- b) Da nije osuđivan za krivično djelo i privredni prijestup, koji predstavljaju smetnje za imenovanje na date pozicije, u roku od pet (5) godina od dana izdržane, izvršene, zastarjele ili oprostene kazne.

Posebni uslovi koje kandidati trebaju ispunjavati:

- a) Da je član akademskog osoblja u zvanju redovnog ili vanrednog profesora koji je u radnom odnosu u punom radnom vremenu na Fakultetu menadžmenta i javne uprave.
- b) Da poznaje (aktivno govori) engleski jezik.

Za poziciju dekana ne može se izabrati lice koje bi prije roka za predaju prijava na konkurs, navršilo 62 godine.

Dekan se bira na mandatni period od četiri (4) godine sa mogućnošću još jednog uzastopnog izbora.

Kandidati koji se prijavljuju na konkurs za izbor dekana dužni su, uz prijavu na konkurs, priložiti slijedeće dokumente:

- a) Biografiju/ CV,

- b) Uvjerenje o državljanstvu BiH ili ovjerenu kopiju CIPS-ove lične karte (ne starije od 6 mjeseci) za kandidate koji su državljani Bosne i Hercegovine ili ovjerenu kopiju prve stranice pasoša za kandidate koji nisu državljani Bosne i Hercegovine,
- c) Odluku o posljednjem izboru u zvanje,
- d) Uvjerenje o radnom odnosu sa punim radnim vremenom na Internacionalnom univerzitetu u Sarajevu.

Uz navedenu dokumentaciju kandidati koji se prijavljuju na konkurs za izbor dekana dužni su dostaviti i program rada i razvoja fakulteta, za mandatni period, u pisanoj i elektronskoj formi. Kandidat koji bude izabran na poziciju dekana dužan je naknadno dostaviti dokaze o ispunjavanju općih uslova konkursa.

Dokumenti se dostavljaju u originalu ili ovjerenoj kopiji. Konkursna dokumentacija se neće vraćati.

Prijave sa potrebnim dokumentima i naznakom „PRIJAVA ZA KONKURS ZA IZBOR DEKANA - NE OTVARAJ, OTVARA KOMISIJA“, dostaviti lično na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo najkasnije do 12:00 sati 30.04.2014. godine.

Neblagovremene prijave se neće uzimati u razmatranje.